

Zeitschrift: Annalas da la Societad Retorumantscha
Herausgeber: Societad Retorumantscha
Band: 93 (1980)

Artikel: Seminari da mussadras : rapport dil Cussegli da scola LR
Autor: Halter, Toni
DOI: <https://doi.org/10.5169/seals-233821>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 23.08.2025

ETH-Bibliothek Zürich, E-Periodica, <https://www.e-periodica.ch>

Seminari da mussadras

Rapport dil Cussegl da scola LR

Igl onn da scola secuarda enconuscentamein buca cugl onn calendaric e buca cugl onn da gestiun dalla Ligia Romontscha (LR). Per nies seminari cun in cuoz da dus onns ha igl onn 1979 oramai purtau ni entschatta ni fin, anzi mo ina continuaziun. Las scolaras ein passadas en quei interval digl emprem al secund scalem da lur formaziun. Quei ei daventau sut la direcziun da dna. Ursi Nigg. Dallas 15 scolaras eran 6 ladinas, 5 sursilvanas, 4 surmiranas. Ellas han obteniu instrucziun els roms: romontsch, tudestg, psicologia, pedagogia, metodica, biologia, higiena, dessegn, zambergiar, cant e musica, gimnastica, ritmica, instrucziun civica e sociala, pratica da scoletta. Sper la directura cun scharscha entira ein 15 forzas auxiliaras stadas participadas dil pensum da scolaziun. En quei collegi professoral dat ei spessamein mutaziuns. Per l'entschatta digl onn da scola 1979/80 eisi p. s. stau da remplazzar quater scolasts u scolastas. Quei ei mintgamai in dils gronds quitaus dil president dil cussegl da scola (CS). Ei secapescha ch'ins vul surdar incaricas d'instrucziun mo a gieud ch'ei cumpetenta el rom respectiv. Ch'ins sa setrumpar ton da vart professiunala sco humana cun forzas recrutadas ord ina pierta da selecziun relativamentein stretga, ei buca d'evitar. Quei mo per illustrar il problem dil persunal.

Quitaus da natira semeglionta, humana en mintga cass, caschunan era las scolaras. Cul cuors present ei igl internat en Casa Romontscha vegnius sli-giaus. La midada viers ina pli gronda independenza persunala ei secumpro-vada en quei senn ch'ei ha dau pli paucas fricziuns da convivenza. Da l'autra vart eisi semusau che las scolaras da idiom different han giu pli grev d'anflar il contact vicendeivel. Ins ei en vesta da quels «foss» sestentaus da scaddir ente-fer il program da scola schi biaras caschuns sco pusseivel per che las scolaras s'entaupien e surmuntien las resalvas dalla regiun.

El secund onn da scola occipescha la scolaziun pratica in pli grond spazi dil program. Las scolaras absolvau dus vicariats da mintgamai quater jamnas en scolettes da lur regiun. Quei porta per la directura ina gronda lavour organisa-torica. Encurir mussadras praticontas ch'ein promtas e qualificadas da sur-prender la rolla da survegliadoras e cussegliadoras, dar ad ellas entruidament per quei pensum, surveglier igl andament, organisar cuors da perfecziun etc.

Il CS ha salvau en quei onn treis sesidas. En quella dil zercladur ha el stuiu prender enconuschiantscha dalla abdicaziun da dna. Marietta Bearth sco

commember da siu gremi, da dna. Ursi Nigg sco directura. A dna. Bearth seigi admess era en quest liug igl engraziament resentiu per sia excellenta collaboraziun a pro dil seminari. En siu stagl elegia la suprastonza LR sgr. Stefan Capeder. Ursi Nigg ei promta da star sin siu post tochen la fin digl onn da scola current. La piazza da directura vegn scretta ora. Il CS sa proponer alla suprastonza LR ina candidata qualificada ella persuna da dna. Margrita Wagner-Fryberg da Breil a Termin. Screts ora vegn era il proxim cuors da seminari. La sesida dil november ei stada dedicada alla preparaziun dils examens da recepziun. Quels han giu liug l'emprema jamna da december 1979. Da 20 scolares annunziadas san 16 vegnir recepidas, 6 sursilvanas, 6 ladinas, 4 surmiranas. La conferenza da notas e la recepziun han formau il tractandum dalla tiarza e davosa sesida dil CS en quei onn.

En general eisi da constatar ch'il basegns per mussadras romontschas crescha e ch'il pensum da scolar talas en diember sufficient crescha sur il tgau ora alla LR. Ins mira perquei cun malpazienzia encunter al mument ch'il Cantun surpren ed integrescha il seminari da mussadras romontsch a sia nova scola cantunala da dunnas. Dil CS anora vegn ei adina puntuau la prioritat dalla instrucziun romontschha avon tuts ils auters roms. Igl entir exercezi ha mo in senn, sche la mussadra futura sa intermediar a ses scolarets in lungatg correct e net ed ultra da quei ina sbrenzla entusiassem per quei custeivel bein cultural.

Demai che las circumstanzias vulan che quest rapport vegni screts d'in commember dil CS, eisi dau la caschun d'admetter al president da quel, sgr. Theo Candinas, igl engraziament dueivel per siu enorm engaschi e sia lavur valenta a pro dil seminari el decuors da 1979 sco dapi biars onns. Engraziau seigi medemamein alla directura Ursi Nigg, als ulteriurs commembers dil CS, al collegi dils magisters ed al secretariat LR. Grazia alla buna collaboraziun da tut quellas varts sa igl onn vargau passar ellas annalas da nies seminari da mussadras sco in onn d'andament prospereivel.

Toni Halter